

# Ze barri?

ESKORIATZA / Egubakoitza / 2005eko ekainaren 17a / 213. zenbakia

KOORDINATZAILEA: Iker Barandiaran • Otolara 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebbarri@goiena.com • Lege gordailua: SS200/99

## Etxebizitza berrien sustapena eta haien beharra aztertze inkesta egingo dituzte

IKER BARANDIARAN

Santa Marinar hainbat etxebizitza egingo dituzte. Horietako 30ek salneurri tasatua izango dute, eta Udalak bultzatuko ditu. Interesatuak inkesta bati erantzun beharko diote. Galdetegiaren bidez jasotako emaitzekin herritarren beharrak aztertuko dituzte.

Orain dela gutxi, Udalak udalerriko etxebizitza plana abian jarzea adostu zuen. Besteak beste, elizaren atzealdean, Santa Marinar, ingurune hori urbanizatzeko eta hainbat etxebizitza eraikitze lehiaketa zabalduko du. Han hainbat etxebizitza egingo dituzte. Horietatik 30ek salneurri tasatua izango dute—hau da, gutxi gorabehera 180.000 eurotan salduko dituzte—. Asmoa da lehiaketa prozedura hori uztailean abian jarzea.

Udalaren asmoa da promozio publiko horiek pribatuen aldi berean egitea, azken horien salneurria jaits dadin. Horrez gain, promozio bakoitzarekin eskuratzeko dirua lurzoru gehiago erosteko erabili gura dute. Hala, etxebizitza gehiago eraiki



Santa Marinar, elizaren atzealdean, hainbat etxebizitza egingo dituzte.

gura dituzte. Hain zuzen ere, Udalak uste du etxebizitza tasatuen eredu Babes Ofizialeko Etxeina baino mesedegarriagoa dela, azken horietan onura jasotzen duten bakarrak zozketako irabazleak direlako.

### INTERESATUEI, INKESTAK

Udalak sustatutako etxebizitzak eskuratu gura dituztenek inkesta bati erantzun beharko diote derrigorrez. Galdetegi hori Bizilari enpresak egingo du, Udalak hala eskatuta. Horretarako,

enpresako lagunek harrera egingo diete herritarrei Arana kaleko 13. zenbakian, lehenengo solairuan. Martitzenean, hilaren 14an, hasi ziren eta hilaren 25era arte egongo da inkestari erantzuteko aukera. Ordutegia hona-

ko hau da: astelehenetik egubakoitzera, 10:00etatik 14:00etara eta 16:00etatik 19:00etara; eta zapatuetan, 10:00etatik 13:00etara. Hala ere, interesatuak aukera izango dute aurretik txanda hartzeko. Horretarako, honako telefono zenbakira deitu beharko dute: 626 76 65 01.

### IRABAZIAK JUSTIFIKATU

Udalaren sustapenetan edo antzekoetan etxebizitza eskuratu gura dutenek inkesta hori bete beharko dute. Hori egiterakoan, dituzten irabaziak egiaztatu beharko dituzte. Horretarako, egin duten azken errenta aitortzea edo beste agirirekin bat aurkeztu beharko dute. Bizilari enpresako lagunek galdetegi bati erantzun beharko dute, zertxobizitza mota erosi gura duten (salneurri tasatukoak, babes ofizialekoak, merkatuko salneurria duena...) eta zer tamainakoa gura duten, besteak beste.

Inkesta horien bidez jasotako informazioa Udalak baliatuko du herritarrek duten etxebizitza beharra jakiteko. Horrenbestez, behin premiak jakinda, ahalginduko dira horiei erantzuna ematen eta, halaber, hainbat ekimen prestatzen.

## Ikasleek Agenda 21 programa betetzeko eskatu zioten Udalari

I.B.

Eskoriatzako LHko hiru zikloek eta DBHko 1. zikloek Agenda 21 landu dute eskoletan. Udalerriaren egoera aztertu ondoren, osoko bilkura berezia egin zuten eta udal agintariei hainbat eskaera egin zizkieten.

Herriko ikasleak Udala baino lehenago hasi ziren Agenda 21 programa lantzen. Eta emaitzak aztertu ondoren, hainbat eskaera egin dituzte.

Udalak erabaki zuen garrantzitsua zela ikasleen ekarpen eta

eskaerak jasotzea. Hortaz, joan den egunean osoko bilkura berezia egin zuten. Herriko ikastetxeetako 40 bat ume eta gaztetxok osoko bilkuren aretoa bete egin zuten, eta txandaka eskaerak egin zizkieten politikariei.

Alkateak eta zinegotziek eskaerak entzun, eta erabakiak hartu zituzten jarraian.

Lehenik eta behin, ikasleek eskatu zuten Epeleko araztegia ahalik eta lasterren egiteko. Alkateak erantzun zien ez dela euren eskumena, baina ahalginduz egingo dituztela. Are gehiago, Bengoak gogoratu zuen laster

Dorletako eta Santa Marinar urak kolektorera eramateko lanak egin behar dituztela.

Horrez gain, ikasleek eskatu zuten Arbiñoste, Makinetxe, Antontxu eta Uretseko iturburuak konpontzeko. Udalak agindu zuen Uretsekoa izan ezik, beste guztiak aurten konponduko dituztela. Uretsekoa geroago egingo dute.

Ura aztertu dutenez, ibaiaren garbiketa gehiago egitea eskatu zuten. Udalak aditzera eman zuen aspaldian fabrikek gutxiago zikintzen dutela, eta Udalak gehiago garbituko duela.



Udalerriko egoera aztertu ondoren, eskaerak egin zizkieten politikariei.



## TELEFONOJAKINGARRIAK

ESKORIATZA	
Udaletxea.....	943 71 44 07
Udal bulegoak.....	943 71 45 32
Udaltzaingoa.....	943 71 44 07
Euskaltegia.....	943 79 21 68
Kultura etxea.....	943 71 46 88
Gizarte laguntzailea.....	943 71 31 36
Kirol etxea.....	943 71 53 28
Liburutegia.....	943 71 31 35
Luis Eceiza.....	943 71 53 56
Jose Arana Almen Ikastola.....	943 71 44 86
Almen.....	943 71 49 07
Museo Eskola.....	943 71 54 53
Axtroki.....	943 71 40 77
HUHEZI.....	943 71 41 57
Osakidetza.....	943 71 44 52
Telesko.....	943 71 49 17
Taxiak.....	943 71 40 59

BESTELAKOAK	
Eskualde ospitalea (Arrasate).....	943 00 53 00
Gurutze Gorria (Bergara).....	943 76 55 76
Ertzaintza (Arrasate).....	943 79 71 99
Suhiltzaileak (Oñati).....	943 79 28 00
Renfe (Zumarraga).....	943 72 15 15
Renfe (Gasteiz).....	945 23 20 30
PESA (Arrasate).....	902 10 12 10
Lanialdiak (Arrasate).....	943 77 10 43
SOS Deiak.....	112

## OHARRAK

### ASTE ZAPATISTA

Gaur, egubakoitza, *Zapatis-mo y utopia* liburuaren aurkezpena egingo dute kultura etxean, 19:00etan. Jose Mari Olaizola izango da hizlaria. Bihar, zapatua, Txiapas eguna egingo dute: txikiteoa, bazkari mexikarra, jolasak, kontzertua... egingo dituzte.

### AMUSKAKOAK, MADRILERA

Bihartik, zapatua, domekara txangoa egingo dute. Interesatuek jo elkartera.



ARTXIBOA

Herritarrek ez dute urteroko hitzordu hori galdu gura izaten.

## Arizmendikoez piztuko dute aurten San Juan sua

I.B.

Urtero moduan, eguenean, San Juan bezperan, sua piztuko dute Herriko Plazan. Axtrokik antolatzen du ekimen hori eta adin guztietako herritarrek batzen dira suaren inguruan.

Tradizioan errotuta dago San Juan bezperan sua egitea, eta Eskoriatzan ere hala egiten dute. Azken 10 urteotan, Axtrokik hartu du lan horren ardura.

17:30ean, umeak Herriko Plazan elkartuko dira, gehienak 5 eta 11 urte bitartekoak. Eginbehar bat izango dute: ludotekako ardura-dunak ezkutatutako txorimaloa aurkitzea. Soro eta mendi inguruetan ibiliko dira horren bila, eta bidean San Juan loreak eta egu-

rrak batuko dituzte. Eguenean jasotako loreak datorren urterako gordeko dituzte, eta aurten iazkoak erabiliko dituzte.

18:30erako bueltan izango dira txorimaloarekin. Ordu horretan bonba japoniarrak jaurtiko dituzte plazan. Sua 22:30ean piztuko dute. Horren aurretik, herriko txistulariek kalejira egingo dute.

Urtero herriko talde bat aukeratzen dute sua piztu dezan. "Aurten Arizmendiri esan diogu, kilometroak antolatzen egiten dabilen lanarengatik", azaldu zigun Axtrokiko Monika Arriaranek.

Sua pizterakoan, Axtrokikoez azalduko dute zergatik aukeratu duten Arizmendi, urtero egiten duten moduan, eta txistulariek joko dute. 23:30ean, koadrilek makala jasoko dute.

## LABUR


### TESA enpresatik 20 langile kaleratu gura ditu Assa-Abloy multinazionalak

Suediako Assa-Abloy multinazionalak *Leverage and Growth* izeneko programa jarri du abian bere enpresetan, eta horietako bat da TESA (Talleres Eskoriatza Sociedad Anonima). Proiektuaren helburua da ekoizpena areagotzea, eta horretarako langile taldea murriztu gura dute. Guztira, 10.000 langile bota gura dituzte, eta horietatik 25 izango dira TESako langileak. Eta bost izan ezik, Eskoriatzako lantegiko beharginak dira gainontzeko 20 lagunak. Sarrailek egiten dituen enpresatik aditzera eman dute aurre erre-tiro hitzarmenen bitartez langileekin akordioa egingo dutela.



### Jaietako irudia, Miguel A. Casadok

Miguel Angel Casadok egin du jaietako irudia. Kultura Saileko arduradun Arantza Untzueta oso pozik dago lehiaketak izan duen harrerarekin, esku-hartzea aurreko edizioetan baino askoz handiagoa izan delako. Aurten, 15 lan aurkeztu dituzte. Irudi hori egitarauan erabiliko dute, eta San Pedrotan erakusketa egingo dute aurkeztutako irudi guztiekin. /I.B.



**FAGOR**

Fagor Ederlan

Fagor Ederlan, Elk. Koop.

Gastafadul auzoa 42  
20540 Eskoriatza  
Gipuzkoa

Tel: +34 943 719 000  
Fax: +34 943 719 001



**AZKOAGA**  
ESTANKOA

943 71 48 77  
Zure  
Zerbitzura

**NAIRA**  
Taberna

Aranburuzabala 16  
Eskoriatza. 943 71 46 71



Aranburuzabala 22, behea  
ESKORIATZA  
Tel.: 943 71 51 20

LENIZ, C.B. KONPONKETAK

**LENIZ**  
ESKORIATZA

TXAPA, MARGOA eta MEKANIKA

**SUZUKI**

Aingeru ibiltokia z/g. • Tel.: 943 71 50 61 • Eskoriatza